

金菊有清香橘綠滿林霜 涼月白松檜鬱
蒼蒼但見村翁歌賀社不聞丁壯在門傍一
醉又何妨

冬

山中好末後稱三冬紙帳蒲團香淡碧竹爐
茶竈火深紅交袖坐和沖 人如夢百歲等
閑中梅蕊綻時泉脉動雪花飛處鴈書空一
醉待春風

月上海棠

劉鐵冠

○全真辦下無空過布袍麻條腰袋掛剪髮
頭道遙自在行踏單瓢把每日沿門乞化
低頭稽首繞道罷又撞着箇魔頭來說話問
道先生元是甚麼人家隨緣答俺師父立劉
譚馬

其二

昨夜因打北邙山過見箇骷髏兒道邊卧雨
洒風吹骷髏被孩童打破知他是李四張三
王大 低頭無語思量我大限來時怎趨解
家有千金難免這場灾禍休爭我到底一家
一箇

其三

吾言勸了千千萬無一箇回頭猛烈漢教上
千般猶道火院牽纏絆沒計算一限又推一
限 憂兒憂女沒衣飯指望百年永作伴閻
王來追鬼使上門喚拖將去也不道家緣不
辨

山亭柳

世事堪憂光景難留春去又逢秋四季催人
老百年似蝶夢莊周劫破從前似假着甚攬
閑愁 慷慨幸遇希夷教塵情事一筆都勾
下志速勤修有等愚癡輩馬丹陽喚不回頭
打的無緣業鬼有分做骷髏

鳴鶴餘音卷之二

鳴鶴餘音卷之三

陸三

仙遊山道士彭致中集
滿庭芳 王重陽

汝奉全真繼分五祖畧將宗派稱揚老君金
口親付與西王聖母賜東華教主東華降鐘
籙承當傳玄理富春劉相呂祖悟黃龍 登
仙弘指願行緣甘水復度重陽過山東遊歷
直至東洋見七朵金蓮出水立劉譚馬郝孫
王吾門弟天元慶會萬壽王蓮芳

其二

馬丹陽

吾劍非凡玉皇宣賜非吾誰敢承當青蛇三
尺時復起祥光則起乾坤骨髓劈開太一真
陽何人鑄那溪飲冷金水配柔剛 不知何
處用除邪斬怪寧靜諸方幹開萬象盡化玄
霜惟有修行不謹輕輕指魂飛揚匣中響
雷聲震動萬里鬼神藏

其三

搭手尋思百年如夢算來何不清閑道速快
樂且樂一身安日月韶光似箭不覺人老花
殘思今古從前勇猛盡葬在北邙山 不如

心行善無煩惱養就未顏怕無常限到意馬
牢拴神系休教敗壞鎖白牛常在全欄修行
事自家性命莫作等閑看

其四

三子真人

落魄閑人道遠懶漢人不語西東騰騰兀

兀來往似塵中乞化前街後巷安居住古廟
閑宮傍人問這般懶漢却是甚家風 諸公
休分辯三清上聖鍾呂為宗拜丘劉譚馬幹
運神功得處玄玄妙用清虛志款款膠隨真
空就長生話三教習皆通

其五

馬丹陽

年小靈童出家學道師言側耳須聽清晨早
起掃地莫揚塵梳洗身邊潔淨然後刷金拈
盃廚房內油鹽未麵休得費半毫分 客來
須接待行須緩步語要低聲守清貧寂淡莫
總浮榮過晚端身正坐心清淨滿目先生休
改變天長地久自有好前程

其六

昨日花開今朝花謝算來眼下定光成空立
計劫劫與誰忙纔見青春年少霎時間綠鬢

成霜堪嘆嘆人身心不識自德苦無常 不如
早悟金銀過斗難免無常思鄉嶺上空隔淚
成行兒女無箇肯替到頭來獨自承官聽吾
勸迎光返照相伴馬丹陽

其七

男作行尸女為走骨爺娘總是骷髏子孫後
代者作小骷髏日久年深長大辦資財匹配
骷髏聚滿堂活鬼終日散骷髏 富家骷髏
漢忙忙劫劫長春骷髏有朝身喪誰替你骷
髏三寸主人氣斷活骷髏相送死骷髏你悲
痛勸君早悟照管你骷髏

其八

歸去來方不如歸去算來都是便宜也無煩
惱也沒是和是非還箇最前淨處好蓋箇小小
巷兒黃昏後安眠一覺直睡到大齋時 此
外別無事道遠快樂幾箇人知高官好做也
要追陪假若前邊後擁金魚帶壓損朝衣思
量後一箇口裏插得幾張匙

其九

道教初興釋門微顯一興一廢如然達磨闍

教東土至西天都是後學晚輩貪酒色損壞
真源爭財氣不依教法也望到西天 三千
年一過全真大教甲子天年丘公開教萬茶
金蓮上界群仙在世諸魔難道化才賢若知
否今者不遇更待萬餘年

其十

兒女如花妻顏似玉算來眼下時光積財千
萬難買不無常萬地陰公來請無辭訴更不
推忙空歸去資財換主兒女各分張 聰明
賢達者早離火院趨了忙忙道遠散誕落箇
清閑飢後巡門化飯寒來紙布衣裳無牽繫
神仙未了落得壽延長

其十一

身是庵兒性為庵主耳目便是門窓壁中為
舍腹是廚房心是當廚博士運水火煉就元
陽心寧守依時飯熱盛與主人嘗 休出庵
外去些兒迷路難奔家鄉端然庵內坐修補
中央運就金梁玉柱透清風明月靈光安然
坐不搖不動怕甚惡風霜

其十二

大道無形難言難說世人不曉其根不憑清淨數墨強尋支若是只憑經典世間有多少能人都成道九天之上塞滿玉皇庭何須開辯利休窮周易罷講黃庭真清真淨心上要無塵自有神仙提挈時節得赴玄門幽微處道遙快樂終日囉哩囉

十三

遇此荒年天下門徒受魔受難過此番纔顯真誠道友利那慷慨應過天仙廣化天尊忠昭烈士甲子向中要五千加剛志九天仙關無數金蓮逢魔一志當先心上休教邪共偏舉刀時一性如山不動三清上聖到處隨現不在功全不須行滿一志無疑上聖勸諸門弟肯忘形忘體隨我昇天

十四

甘草人參天麻芍藥薄荷荊芥川芎乳香沒藥白芷共廿松王金龜鹿槿甘菊花蕊本茯苓防風等細辛分兩各自要均停問甚渾身壯熱管甚偏正夾腦頭風着將一字當鼻中當下神功有準李貴妃曾壞雙睛端的

效章宗見喜加做一提金

十五

二氣旋還三宮升降往來於數無窮透關神水鉛汞過三峯返復周流八脉戊巳煉陰虎陽龍凝精處金花的的外見形容靈光真造化天機深遠推測難通算利名酒色恰似秋風大道玄爐進火三田內養出神功功成後天書來召平安赴瑤宮

十六

真鐵牛兒形容醜惡性剛強偏好爭馳人人皆有那箇解牽騎種就黃芽滿院更須用神水澆之中宮裏若無此獸安得嬰兒乾坤真動靜生成活計總賴於伊飢飧虎髓渴飲水銀池夜半牽連進火明光迸海底騰輝牧童向華池宴罷乘箇月明歸

十七

石火光陰人身不久算來生死難防忽生或滅恰似電爭光識破形骸假合尋得箇出世仙方思量後回心向道要認箇法中王時時常見面同行同坐同飲霞霞同伴清風明

月同一志同見天光同相會同師訪道同唱滿庭芳

滿庭芳 齊鍊

白玉蟾

鼎用乾坤藥須烏兔待時方煉金丹水中虎吼火裏龍蟠況是元鉛震來自元谷上至泥丸些兒事坎離復始返老作童顏五行全四象不調停火候間斷如闕六天罡所指玉出崑山不動纖毫雲雨頃刻須直透三關黃庭內一陽來復丹就片時間

其二

道釋儒門三教歸一算來平等有齊道分天地萬化總歸基佛在靈山證果六年後雪嶺修持儒門教溫良恭儉萬代帝王師道傳秘訣佛流方便忍辱慈悲大成至聖豈辯高低都是後學晚輩分人我說是誤非休爭氣三尊一體瞻仰共皈依

其三

這炷名香天然清秀生於象帝之先金爐焚處表裏起祥烟不是沉檀乳降亦不是四和龍涎括來獻先賢後化五祖大羅天此香

靈妙處過周法界氣味真全聞人鼻竅入至
通玄願八荒四海同霑至化道氣綿綿從今
後一人有慶萬萬餘年

其四

命似清風性如朗月瑩然獨見輝輝靈光普

照何日不歸依常在無明之處任昇騰斗轉
星移通真理不無不有動靜應神機 其間
多少事皆是方寸或是或非在人人運用志
見高低悟者頭頭皆是未明時處處皆迷修
員士觀天行道功滿步雲歸

其五

壽竹長青壽松高聳壽山壽水俱全壽星壽
夜壽象現中天壽祝長生不老壽香一炷寶
鼎龍涎壽童引壽龜壽鶴壽燭比金蓮 壽
盤添壽果壽桃初熟壽滿三千壽筵歌壽曲
壽酒與流連壽從今去福壽無邊壽仁者壽
門高大福壽永綿綿

其六

辰虫街頭酉歸堂內切須規矩隨身志誠香
火早晚去朝真道歷名山福地不耻問參訪

高人休誇遠斷除人我心地放教平 燒丹
并煉藥琴碁書畫各有司存應干諸科法術
都是設勞神且任隨緣乞化者多少勞碌精
神團圍坐齊同慈愛異骨總成親

其七

減飯除情敵魔戰睡聖賢學道根基進人退
已用事契心機遇境休生烟火安閑處性要
無疑爭知道洪波跳出却還入希夷 罷舍
財色酒氣掣開利鎖截斷癡癡完全性命物
外何為悟徹元初色相功成也歸去來兮乘
丹鳳蓬萊官裏獨步訪鐘離

其八

稽首諸兄畧聽吾勸化飯朝日隨緣戒餘好
惡只要自心堅飽後歸庵靜坐無益語閉口
藏言他人過見如不見方寸得安然 且休
尋玄妙牢拴意馬緊鎖心猿去除人我滅火
消烟晝夜敵魔戰睡常寂靜調息綿綿君知
否如斯妙用子毋自團圓

其九

今日榮華前生福善悟來更好重修百年光

景生滅水浮漚敗骨無休歡未盡又遭愁
然嗟人世忙忙造業幾箇首抽頭 清閑歸
物外道遠獨步身內閑搜把汞鉛顛倒性月
如秋直待功成行滿超三界永列仙儔乘雲
去真容不朽免再叶荒丘

其十

清淨家風如常合道本來面目休迷行住坐
卧何處不相隨達理頭頭解脫明心無作無
為若還悟絲毫放過畫餅不充飢 古今賢
達者仗無情慧劍斬斷昏迷把三尸趕退六
賊分離雲散天心獨露吐紅霞烹鍊須彌真
功至長生活計能有幾人知

其十一

恬淡家風寂寥活計無為無作無言行住坐
卧莫放馬猿顛性有調和柔弱觸來無火無
煙通真理無情無慾無罪亦無愆 諸公休
外覓天真一點元在心間被黑雲遮障不計
餘年好用清風吹散雲收處露出青天森羅
見一輪明月光耀照無邊

其十二

過去休思未來莫想見前一念俱忘三心滅
去顯出法中王便是生前面目無形貌獨靈
堂堂玄玄理四方真炁攢結聚中黃 闕闕
常內守勝如塵世苦海茫茫任隨緣隨分泰
弱和光漸漸輪迴路出看看近來到蓬莊功
成日携雲獨步朝見禮虛皇

十三 式當降筆 辛天君

玉皇傳宣搜求仙子六百餘員仙官仙位補
闕大羅天勅下諸神採訪隨方所選覓高賢
三元日書人功行飛奏御爐前 全真門第
子修功積行專要心堅猛降龍伏虎煉汞烹
鉛一旦天書選舉雲霄路快著仙鞭朝金闕
三清殿下作箇狀元仙

十四

百歲光陰渾如一夢不覺過春秋慈癡愚昧
日夜為家憂衣食前生注定更何須物外貪
求當思村添坑火院終日箇如囚 諸公聽
我勸兒孫福祿莫與為牛把恩情挫碎物外
精求管甚紅輪西墜儘教他月出東頭降心
定回頭是岸咫尺到瀛洲

十五

盡說烟消皆言火滅爾來總是無明不知不
覺怎得離眾生道本易行易曉奈心迷難曉
難行心魔障未成大善方寸不能管 同流
聽囑付是非休辨人我休爭嘆行尸走骨何
辱何榮急救自家性命元神和清潔真形靈
靈語蓬萊閣苑三島是前程

沁園春

呂洞賓

世事紛紛似水東傾甚時了期嘆利名千古
爭馳虎豹丘原一旦總伴狐狸荆棘叢中桑
榆影裏亂塚堆堆知是誰君知否設徒勞百
戰空敲雙眉 爭如歸去來方放四大優游
無所為歸碧岩洞完性命臨風對月笑傲希
夷一曲絃歌千鍾美酒日月循環不老伊童
願在鎮龜齡鶴壽龍唱黃雞

其二

不喜輕裘布衣芒屨任春與秋傍人笑我生
涯拙屢屢碌碌畢竟何求物外蓬瀛臺中方
寸論此宗風沒價酬誰知道無為快樂不羨
王侯 多謀轉使多愁恰似吞他名利鉤看

日前些子昇沉事把天機表盡不肯抽頭蜂
為花忙蛾因燈逝只恁迷前忘後愛逞身事
莊周蝶夢蝶夢莊周

其三

大道無名大音希聲大器晚成笑迷人管見
不言便了似鑽冰取火紐石為繩使盡精神
虛勞神用緣木求魚甚日惹愚癡筆磨磚作
鏡怎觀光明 何須百計經營守朴朴淳淳
絕愛憎澄虛心實腹谷神不死深根固蒂久
視長生湛湛澄澄先天先地一炁寥寥混香
冥希夷理這一輪皎月無缺無盈

其四

瑞雪翻雲長風舞浪仙家畫圖闕城南老樹
如今在否洛中強客還再來無獨上君山渺
觀磊石八百里清波漾巨區何曾錯有茶中
上甕酒裏仙姑 終須度了肩吾却稽首終
南眾老夫自太平寺裏題詩去後東林沈宅
大醉歸歎天上巡多人間到少更不向廬山
索鱸魚相憐否好借君黃鶴上我清都

其五

黃鶴樓前吹笛之時先生朗吟想劍光飛過
朝遊北海墨籃放下夜醉東林鐘磬山川果
藏世界有明月清風如此心呵呵笑釀成白
酒散盡黃金 知音自有相尋休踏碎葫蘆
斫斷琴唱白蘋紅蘆廬山日暮西風落葉渭
水秋深三入岳陽再遊臨浦一自悠悠直至
今桃源路不妨來往同與登臨

其六

切勸學人悟取靈臺休得外求這天機玄妙
非容易與君今日細說根由沒口婆婆偏能
言語波脚童兒擅戲毬真消息見雲埋玉
洞月照金樓 有誰似我能修把獅子擒來
變作牛向黃河浪裏翻筋斗太陽宮裏捉住
獼猴白雪花開青雲子結占得玄關第一籌
仙宮舍跨驪龍歸去永脫瀛洲

其七

昨夜南京今朝北嶽倏焉忽然過洞中有酒
渴來好飲君山作枕醉後高眠出入無迹往
來不定半似癡呆半似顛隨身處有一襟風
月兩袖雲煙 人間漂蕩多年又排辦東華

第二筵把玉樓推倒種吾琪樹黃河放淺我
我金蓮擊碎珊瑚翻身蓬島籍首虛皇御座
前無難事功成八百行滿三千

其八

打破疑團謝了空花飲咏隨緣有蒲團禪版
消磨白日臨風對月可度流年携箇山童拖
條藜杖閑趁松風影裏眠從今後袖金針玉
線頓鎖為煙 何須祖祖相傳被渭水松風
泄盡禪昔年會向水中摸月如今却解火裏
生蓮向上宗乘別無玄妙十百元來是一千
翻身處見滙停巨海雲散長天

其九

瑞雪長空布滿周天色似銀況此物不論貧
富應無深淺觸處皆均片片不教塵汚落處
冥冥不聽聲紅天靜見天華宇宙景物皆新
教人暮地歡欣似一泓銀河徹底清聚時
節如鋪玉散來後無踪無影無形此是天機
真造化不比尋常假造成陰消盡待三陽數
足別換新春

其十

自古賢愚日月輪催盡沉下泉漢張陳義斷
因名利恣奢華後破壞家園墳廟江邊漢陵
原畔勢盡還空皆亦然英雄草盡道傍塚
衰草綿綿 嗚呼往事堪憐染虛幻浮花逐
逝川又爭如省悟塵勞愛趣貧閑居素保煉
丹田越過輪迴超昇苦海直上清涼般若船
逍遙岸會玄妙雲路同訪桃源

十一

好無來由名利區區幾時盡頭算榮華富貴
名高位顯妻兒艷女肯做持修冷淡玄門清
虛妙道苦海難行執意留修行路悟輪迴生
死有分仙流 除身外盡是閑愁猛割斷冤
情去便休頂幘中布素隨緣度日逍遙雲水
物外遨遊閑裏尋閑損之又損火滅煙消絕
外求將歸去這鄧都路變蓬島瀛洲

十二

絕品龍團製造幽微建溪路賒向南山採的
蟾酥烏血和合北海七寶靈芽時遇陽春收
歸瑤室碾磨搗香塵膩水加玉甌內仗仙童
手巧烹出金花 奇茶堪獻仙家但啜罷香

生兩腋僥倖趙州難遇盧仝不見苦中甘味
意與誰誇滌盡凡心洗開道眼返老還童賢
似鴉真奇瑞願人人解飲同赴煙霞

十三

自古神仙隱跡終南萬代流傳說經臺上針
活枯栢鍊丹爐下化女石泉四皓商山十老
古洞尹喜親聞道德篇結廬處有青牛繫栢
白鹿昇天 翊聖古跡依然雪樣三朝畫得
全有元真文瀾松陰一夢鐘離悟道跨鶴金
仙二祖披瓊甘河引度傳受重陽七朵蓮全
真教洞天福地象帝之先

十四

火院牽纏夜去明來早晚休今日不知明日
事忙忙劫劫苦苦貪求人似風燈草頭珠露
倥見傷心珠淚流不堅久似石中迸火水上
浮漚 休休聞早回頭把往日風流一筆勾
羸衣淡飯隨緣過任傍人笑我又誰做限
到頭來不論貧富着甚來由日夜愁闌半少
把家緣棄了海上雲遊

十五

真一長存太虛同體妙門自開既混元初判
兩儀布景歸根復命全藉靈臺浩氣衝關谷
神混化一點靈光空際來凝神處聽龍吟虎
嘯殺地風雷 奇哉妙道難猜解點化愚迷
成大材與君說破分明狀似蚌合淵月秋兔
懷胎壯志男兒當年高士莫把身心惹世埃
功成後便登紫府位列仙階

十六

要做神仙鍊丹工夫亦有何難向雷聲震處
玉爐火熾土釜煙寒蛇女乘龍金翁跨虎片
餉之間結大還丹田裏有白鶴一箇飛入泥
丸河車運上崑山全不動纖毫過此關 把
龜蛇烏兔生擒活捉雲霄雨一點成丹白
雪漫天黃芽滿地服此刀圭永注顏常溫養
使脫胎換骨身在雲端

十七

大智閑閑放曠無拘任其自然寄雅懷幽興
松間石上高歌沉醉月下風前玉女吹笙金
童舞袖送我入太玄玄中理盡浮沉浩浩
來去綿綿 奇哉異景難言算別是人間一

洞天立身敦厚銷磨歲月從他輕薄海變桑
田神悉冲和陰陽升降已占逍遙陸地仙無
煩惱任開懷縱筆注寫書篇

十八

曠劫威音頓悟之時不假外緣任騰 兀兀
天涯海角閑雲野鶴豈管流年月下風前逍
遙自在與則高歌困則眠回頭處處落花飛絮
遠水輕烟 本來無說無傳道乃強名豈有
彈這桃紅柳綠自然消息何須扭捏擊竹拈
蓮大相無形真空非有論甚纖毫與大千石
獅子敢胡言絡語說地談天

十九

古往今來一剎那間又早百年任石崇富貴
陳平貧賤顏回短命盜跖長年南陌新阡此
却舊塚盡是許多愚共賢全不見金釵十二
珠履三千 只因不鍊還丹箇箇道凡夫無
宿緣庭前頑石尚能聽法城南老樹猶解成
仙斗酒篇詩張琴隻劍且結人間歡喜緣人
問我如何是道笑指青天

燭影搖紅

金菊初開玉蟾新滿昇天故重陽佳致始板
弘圖鑑亭亭照上界中央奮矯桂花鮮雲收
八表綠枝長景素魄團圓於中奇妙細藥
繁英洞天幽圃知多少高臺深夜最堪觀得
遇圓明了風動清香盤繞燭銀霞交光池沼
一叢霜氣萬古水輪冲和誰曉十六

臨江仙

達道逍遙無事客狂歌度日欣欣孤然一性
朗然真清如三島月隔似九霄雲 語話來
差絕世夢心頭不掛微塵四時遊說百花親
壺中天不夜物外景長春

鶯啼序

呂洞賓

三峯路險雪滿空堦瑞祥煙霧起潤畔聽龍
吟虎嘯電閃星輝迸出紅光鬼神驚避 鉛
凝汞結爐中養就丹點瓦礫成至寶愚人貪
一粒延年紀那堪更有神珠萬顆流霞見耀
遍穿宮裏

鳴鶴餘音卷之三

鳴鶴餘音卷之四

仙遊山道士彭致中集

蘇幕遮

馬丹陽

隨四

上丹田玄空路玉鎖金關八卦珠藤庫左有
青龍右有白虎碧眼胡僧便是三清土 虎
伏龍龍伏虎戰退三尸贏得河車路意馬心
猿牢拴住運上崑崙透入泥丸去

其二

中丹田多玄妙聚寶池中五色霞光照姮女
嬰兒直歡笑鍊就金丹價值千千兆 服一
粒馨香妙換骨抽胎萬病消除了返老還童
年又少快樂逍遙倚定岩溪曉

其三

下丹田明仙道有箇牛兒不喫尋常草玉液
華池滋味好白雪黃芽喂得牛兒飽 金龍
頭銀纏繞坐深無處遍地如雪草擺尾搖頭
歌聲叫過海穿江直上蓬萊島

其四

胡然子

精氣神須保愛一粒金丹每在街頭賣四十
年來無人買開花叢裏還了鴛鴦債 九三

又地天泰萬上金鳥飛入銀蟾界百尺竿頭
做一解這些工夫任使傍人賽

其五

嘆人身如傀儡五彩粧成盡是虛騰味又手
棚頭談今古相呼相喚空向人前舞 出來
時如風雨氣斷之時七魄三魂去饒你棚前
提畫鼓喚不回頭終沒回來路

生查子

夜來忽觀一場希乍見幾箇燈蛾兒堪人嗟
呀愛愁貪嗔不肯捨錯認燈光隨高隨下火
焰根前百般顯要十分燒着全然不怕且待
燈盞內做箇焦巴這回休也 休也休也奉
勸你諸公畧聽千勸休似燈蛾兒心生愛戀
戀着思愛老了面而皺髮白腰曲頭低耳聾
眼暗覓箇回轉把往日風流一刀兩斷聞身
康健早做箇惺惺洒洒漢猛跳出凡籠便是
一箇了辦

解冤結

北方一日南方一日共東西四方交日夢寐
沉沉往來遊行消日待他年道心開日 百